



ЎЗБЕКИСТОН РЕСПУБЛИКАСИ
СУВ ХЎЖАЛИГИ ВАЗИРЛИГИ
Б У Й Р У Қ

2018 йил “13” май

Тошкент ш.

№ 52

**Вазирликда давлат харидларини ташкил этиш
ва ўтказишни тартибга солиш тўғрисида**

Ўзбекистон Республикасининг “Давлат харидлари тўғрисида”ги Қонунига мувофиқ Ўзбекистон Республикаси Президенти ҳузуридаги Лойиҳа бошқаруви миллий агентлигининг 2018 йил 15 майдаги 185-сон “Харид қилиш тартиб-таомилларини ташкил этиш ва ўтказиш тартиби тўғрисидаги Низомни тасдиқлаш ҳақида”ги буйруғи (Ўзбекистон Республикаси Адлия вазирлиги томонидан 2018 йил 26 майда рўйхатдан ўтказилган, рўйхат рақами 3016) қабул қилинган бўлиб, ушбу буйруқ билан харид қилиш тартиб-таомилларини ташкил этиш ва ўтказиш тартиби тўғрисидаги Низом тасдиқланган.

Келгусида Сув хўжалиги вазирлиги томонидан давлат харидларини амалга оширишда Ўзбекистон Республикаси “Давлат харидлари тўғрисида”ги Қонуни ҳамда Харид қилиш тартиб-таомилларини ташкил этиш ва ўтказиш тартиби тўғрисидаги Низом талабларига қатъий риоя қилинишини таъминлаш мақсадида,

БУЮРАМАН:

1. Ўзбекистон Республикасининг “Давлат харидлари тўғрисида”ги Қонуни ҳамда Ўзбекистон Республикаси Президенти ҳузуридаги Лойиҳа бошқаруви миллий агентлигининг 2018 йил 15 майдаги 185-сон “Харид қилиш тартиб-таомилларини ташкил этиш ва ўтказиш тартиби тўғрисидаги Низомни тасдиқлаш ҳақида”ги буйруғи (Ўзбекистон Республикаси Адлия вазирлиги томонидан 2018 йил 26 майда рўйхатдан ўтказилган, рўйхат рақами 3016) раҳбарлик ва ижро учун қабул қилинсин.

2. Ўзбекистон Республикаси Сув хўжалиги вазирлиги марказий аппаратида қиймати энг кам иш ҳақининг **беш минг бараваригача** бўлган миқдордаги (мазкур миқдор қонунчиликка мувофиқ ўзгарганда, ўзгарган миқдор амал қилади) давлат харидлари бўйича харид комиссияси таркиби 1-иловага ҳамда қиймати энг кам иш ҳақининг **беш минг бараваридан ортиқ** бўлган миқдордаги давлат харидлари бўйича харид комиссияси таркиби 2-иловага мувофиқ тасдиқлансин.

3. Мазкур харид комиссиясига вазирлик томонидан амалга ошириладиган давлат харидлари бўйича қуйидаги вазифалар юклатилсин:

танлов ҳужжатларини келишиш;

таклифлар қабул қилинадиган муддатларни белгилаш;

таклифларни очиш тартиб-таомилларини белгилаш;

таклифларнинг баҳолаш мезонларини белгилаш;

таклиф киритиш тартибини, ҳажмини ва уни таъминлаш шаклини белгилаш;

харид қилиш тартиб-таомили иштирокчиларининг таклифларини очишни амалга ошириш;

малака танловини ўтказиш, агар танлов (тендер) ҳужжатлари шартларида бу назарда тутилган бўлса;

харид қилиш тартиб-таомилларини қонун ҳужжатларига мувофиқ амалга оширилишини таъминлаш;

харид қилиш тартиб-таомилларининг рақобатлашув турлари ижросисини ва заҳира ижросисини белгилаш ёки савдони амалга ошмаган деб топиш.

4. Белгилансинки, харид комиссияси белгиланган тартибда харид қилиш тартиб-таомилларини ташкил этиш ва ўтказиш учун жавобгар ҳисобланади.

5. Ишлар бошқармаси (Худайбердиев)га:

ишлаб чиқариш заруриятига кўра ҳамда бошқармалар ва мустақил бўлимлар томонидан ёзилган талабномалар асосида вазирлик марказий аппаратини сақлаш билан боғлиқ тадбирлар ва коммунал хизматлар учун зарур бўладиган товарлар (ишлар ва хизматлар)ни сотиб олиш бўйича талабни ўрганиб чиқиш ҳамда шу асосда сотиб олиш учун вазирлик раҳбариятига талабномалар киритиш;

бир ҳафта муддатда вазирликнинг юридик бошқармаси билан биргаликда давлат харидларини ўтказишда одоб-ахлоқ қоидаларини ишлаб чиқиш ва тасдиқлаш учун киритиш вазифаси юклатилсин.

6. Молиялаштириш, бухгалтерия ҳисоби ва ҳисоботи бошқармаси (Ганжаев) харид комиссиясининг ҳулосасига мувофиқ етказиб берувчилар билан тузилган шартномаларни белгиланган тартибда ижро қилинишини таъминласин.

7. Мазкур буйруқнинг ижросини назорат қилиш вазирнинг биринчи ўринбосари Б.Рўзиев зиммасига юклатилсин.

Вазир

Хамраев

Ш. Хамраев



ЎЗБЕКИСТОН РЕСПУБЛИКАСИ
СУВ ХЎЖАЛИГИ ВАЗИРЛИГИ
Б У Й Р У Қ

2019 йил “9” август

Тошкент ш.

160-сонли

Вазирликнинг 2018 йил 13 июлдаги
“Вазирликда давлат харидларини ташкил этиш ва
ўтказишни тартибга солиш тўғрисида”ги 52-сонли
буйруғига ўзгартириш киритиш ҳақида

Ўзбекистон Республикаси Сув хўжалиги вазирлигининг 2018 йил 13 июлдаги “Вазирликда давлат харидларини ташкил этиш ва ўтказишни тартибга солиш тўғрисида”ги 52-сонли буйруғига ўзгартириш киритиш мақсадида,

БУЮРАМАН:

1. Ўзбекистон Республикаси Сув хўжалиги вазирлигининг Молиялаштириш, бухгалтерия ҳисоби ва ҳисоботи бошқармаси бош мутахассиси бошқа ишга ўтганлигини инобатга олиб, вазирликнинг 2018 йил 13 июлдаги “Вазирликда давлат харидларини ташкил этиш ва ўтказишни тартибга солиш тўғрисида”ги 52-сонли буйруғининг 1 ва 2-иловаларидаги “Б.Мелиев” сўзи “А.Дувлонов” сўзи билан алмаштирилсин.

2. Мазкур буйруқнинг ижросини назорат қилиш вазирнинг биринчи ўринбосари Б.Рўзибоев зиммасига юклатилсин.

Вазир

Ш. Хамраев

Сув хўжалиги вазирлигининг
2019 йил 9 августдаги
160-сонли буйруғига
1-илова

**Ўзбекистон Республикаси Сув хўжалиги вазирлиги марказий
аппаратида қиймати энг кам иш ҳақининг беш минг бараваригача
бўлган миқдордаги давлат харидлари бўйича харид комиссияси таркиби**

А.Мирзаев	-	Вазир ўринбосари – комиссия раиси
<i>аъзолари:</i>		
Б.Қурбонов	-	Ишлар бошқармаси бошлиғи – раис ўринбосари
Р.Шаропов	-	Юридик бошқарма бошлиғи
М.Қурбонов	-	Сув хўжалигида капитал қурилиш лойиҳаларини амалга ошириш агентлиги Бош директори ўринбосари
З.Ишпўлотов	-	Сув ресурслари ва сувдан фойдаланиш бошқармаси бошлиғи
С.Алимарданов		Молиялаштириш, бухгалтерия ҳисоби ва ҳисоботи бошқармаси бошлиғи
Ж.Аббосов		Молиялаштириш, бухгалтерия ҳисоби ва ҳисоботи бошқармаси бош бухгалтери

Изоҳ: Комиссия аъзолари бошқа ишга ўтган тақдирда, унинг ўрнига тайинланган ёки ушбу вазифаларни бажариши юклатилган шахслар комиссия таркибига киритилади.

Сув хўжалиги вазирлигининг
2019 йил 9 августдаги
160-сонли буйруғига
2-илова

**Ўзбекистон Республикаси Сув хўжалиги вазирлиги марказий
аппаратида қиймати энг кам иш ҳақининг беш минг бараваридан ортиқ
бўлган миқдордаги давлат харидлари бўйича харид комиссияси таркиби**

А.Мирзаев	-	Вазир ўринбосари – комиссия раиси
<i>аъзолари:</i>		
Б.Қурбонов	-	Ишлар бошқармаси бошлиғи – раис ўринбосари
Р.Шаропов	-	Юридик бошқарма бошлиғи
М.Қурбонов	-	Сув хўжалигида капитал қурилиш лойиҳаларини амалга ошириш агентлиги Бош директори ўринбосари
З.Ишпўлотов	-	Сув ресурслари ва сувдан фойдаланиш бошқармаси бошлиғи
С.Алимарданов		Молиялаштириш, бухгалтерия ҳисоби ва ҳисоботи бошқармаси бошлиғи
Келишув асосида		Ўзбекистон Республикаси Инвестициялар ва ташқи савдо вазирлиги масъул ходими
Келишув асосида		Вазирлар маҳкамаси ҳузуридаги “Ўзинжиниринг” республика лойиҳалаштириш институтининг Тендерларни тайёрлаш ва ўтказиш бўлими масъул ходими
Ж.Аббосов		Молиялаштириш, бухгалтерия ҳисоби ва ҳисоботи бошқармаси бош бухгалтери

Изоҳ: Комиссия аъзолари бошқа ишга ўтган тақдирда, унинг ўрнига тайинланган ёки ушбу вазифаларни бажариш юклатилган шахслар комиссия таркибига киритилади.